

À Mezu à Tamanta Guerra

À mezu à tamanta guerra
L'omu riesce à triunfà.
A vittoria hè cum'è a terra
Innacquata chì vole dà.

À tutti ricchezze è vita,
Bellu fruttu amaturitu,
Dopu la pena finita
È lu sforzu riferitu.

Cum'è u corpu di la donna
Sottu a pioggia di l'amore
Chì spannata, ricca è bona
Sale in gloria è in onore,

A vittoria hè un cantu
À l'assaltu di u cele
Di a fiduccia hè l'incantu
Hè u latte è u mele.

Simu ghjunti à lu mumentu
Per un scoppiu di verità.
Ùn ci hè nisun'turmentu
È nemenu felicità
Chì conti, quandu la vita
Si ne vole trapassà.

Questa hè la gran'ferita
S'è l'amore ci vole à cappià
Pocu face lu ripentù,
U mumentu hè per passà
Ogni amore hà lu so tempu
È ùn vale à pattighjà.

Tavagna / Malcolm Bothwell